

舊歷 丁卯年 七月 十五日

# 聶氏家言旬刊

民國 十六年 八月 十二日

期四卅百一第

記與曾寶蓀表姪談話

王小徐先生佛法之簡短說明

耕心齋雜記 蔬食製法六則

上海遼陽路聶宅發行

## 記與曾寶蓀表姪談話

雲台

寶蓀表姪女及約農威謀兩表姪犧牲其資產。並捨棄家庭幸福。竭其身心之力以辦學校。其志趣之高尙。品性之純潔。爲社會所罕見。然沾沾於西教。且以之教其學生。予深惜之。蓋信仰一教以爲善。在個人目前。未必有害。然主教育之人。當以人類世界利益爲前提。凡倡一教義。須預防流弊。耶教之不足。以羈縻人心。且反引起仇嫉爭戰。歐洲成事。彰彰不可掩。而其虛偽誕謬之情形。今已爲世人共見。不復能自存。更何能賴以範束今後之青年。蓋科學之說。昌而世人之耳目心思一變。凡一物事當前。動以唯物之眼。光論斷之。其上焉者。亦必以理性爲之推究。苟不能堪。強烈之辯難。精深之剖析者。雖一時強以感情之方法。導之信從。及一經良心理智之推究。又加以事實證驗之考按。則前之感情信仰。悉歸泯滅。此時且有破棄一切信仰之心。以爲世之言宗教者。必皆此類。不復肯虛心研究一切高尚之教義。純致鹵莽決裂。一無檢束。此蓋今日全世界所同之現象。以釀成此千古未

有之局面。而其大原因。則緣頓失信仰之中心故也。蓋耶教之書。荒誕悖謬。罅漏百出。大抵羅馬文物盛時。舊教（卽猶太教）之勢甚張。其恣肆既爲人所厭惡。而其威福。亦爲人所羨妬。遂有人造撰新教。雜採他教言說。欲取而代之。（新教採自印度之克里希拉神話。但易其產地。謂出於猶太名之曰救世主。基督之名字。與克里希拉同音。生時其國王因怵於先知之言。而戮全城兩歲內之嬰孩。又同及其長大。傳道醫病逐鬼死而復活。又同至登山寶訓。主禱文。約翰福音中之教義。較高者。皆抄自前人之作。各有原本。可按而猶太羅馬一切藝文史傳。無一字涉及耶穌及其門人。與其教義事跡者。三百年後始有人追溯。昔時謂爲有其人。其地其事。其書。而猶太民族。自古迄今。未嘗聞有其人其事。其作僞亦可謂膽大極矣。）其說頗投一時厭惡舊教者之心理。欣從之者甚衆。至第三世紀時。新教會漸露頭角。遂有新約之書。出現於世。第七世紀時。教會掌握政權。以羅馬帝國之威力。推行其教於各國。定爲國教。始以教主生年追溯爲國歷紀。

郵局掛號認爲新聞紙類

本刊每年取費二角

元。其時不奉耶教正朔之國。如土耳其及諸回族等。教會則以耶穌之名義。挾羅馬之威權。與列國之兵以討之。名曰十字軍。前後巨數世紀。殘民無數。十六世紀時。馬丁路德又痛教會之專暴。提倡宗教解放。欲稍脫主教神父之專制而已。名之曰改正教會。即今所謂新教。然其信條未改也。其奉新舊約如故也。其儀文亦從同也。而教會已嫉之深。對此等新教徒。嚴刑酷虐。慘無人理。蓋基督教之推行。純賴兵威政權。經千數百年之久。以養成此深厚強大之勢力。而同時歐洲各國。除猶太教回教外。別無較佳而可採之宗教。故歐洲人民。不得不囿於此唯一教會之中。且政府以是爲倡。父母以是爲督。童而習焉。人人皆爲教徒。然非有心悅誠服於其教。而信從之也。夫以如此深固之基礎。宏大之組織。若基督教者。一旦與科學相見。其勢力頓渙然冰解。何其速也。則以其教義無理性爲之根本故也。而其影響之所及。且使一般青年。欲盡破棄世界一切教義。並理智圓滿之中國教義。亦因此潮流而動搖。蓋純受西方人民對於惡劣宗教所起反動之影響也。夫值此異說披猖。人心浮動之時。羣衆惑於似是而非之學說。自謂以理智破除感情迷信。而不自知其已爲又一種感情迷信所障礙。欲救其迷罔盲從。仍不外以理性圓滿事實有據之教義啓牖之。今日青年所傾向者。大抵人民生活問題。所謂社會經濟是也。然孔孟之學說。實爲中外古今計慮此問題最精當完善之學說。自古行之者。確有經驗。非若今人之學說。徒屬理想。不能實現於情僞複雜之人

類者。故欲救今日世界理論學家之迷盲。惟有發揮我國古訓。以指摘其失誤。然欲求其傾聽。須先使其知世界固實有其高且精之學說教義。以明辨究竟爲歸。非如西方各宗教之以感情信仰爲事者。予不自量力。竊欲以啓導青年。矯正偏弊爲職志。不憚一再大聲疾呼。使人知世界治安。人民生活。固有其道。然在此羣衆感情熾盛。理智鋼鐵之時。即多有明智之教育家。盡力發揮而倡導之。猶懼不足以引起羣衆之重視。而稍加以研究。奈何更枉費其日力於有損無益之耶教乎。諸表姪皆可造之才。若能善述文正先訓。以推行孔道。則將來造福於吾國與世界者。甚未可量。今乃特重西教者。亦猶是崇拜西方物質文化之故。蓋諸君皆留學歐美。湛於新學。故常見得西方學說教義之美。蓋未嘗徹底一研其究竟。又未得聞儒家立教及政治之精義。遂藉口於咕嘩詞章之學功名利祿之士。以輕抑儒術。此等見解而不矯正。不獨爲諸君博學美才之累。抑其影響及於受教之青年者。將非諸君之初料所及也。夫西方學說亦多有可取之點。惜似是而非。不能澈底究竟。苟不衡以良心之明智。驗以歷史之事證。則流弊所及。爲害無窮。中國古訓者。數千年來聖哲之智識經驗所積而成者也。世之淺識者。流動以一己管窺之見。妄議古人。輒謂古人不如吾輩之明達深造。以此害人禍世者。歷史上不少其人。今之科學哲學者。流大抵此輩也。夫在西方學者。無精善之古代政治學說爲之折衷。其是今非古亦固其所而儒者之教。以時爲義。故曰孔子聖之時者也。

時者不泥於古。不害於今。以良心之明德為準衡。以古今之實驗為師資。吾國有此導師。吾國之福亦世界人類之幸也。有此善訓。而不知取法。而唯彼泥古執今之學說教義。是依此予之所為不能已於言也。以諸表姪之才德。足以造福國民。於其行。因相與辯難。以啓其慎思深慮云爾。

雲台問。近日字林西報有訾議鄙人所作某書序。謂其所指。摘多屬舊約中語。其意殆謂舊約非耶教也。又常見思想稍新之耶教徒。見人提及舊約。即嘖嘖其詞。若不勝其慙沮者。然教會實尊舊約為聖經。且各教會牧師。持以講解。未知尊意對此。作何解說。又貴校中亦講解讀誦此經乎。

寶孫答。敝校不甚講讀舊約。問。偶一為之乎。答。從來不講不讀。問。既尊之曰聖。名之曰經。乃不講不讀乎。答。舊約止可作歷史觀。(杰按。謂止可作歷史讀。即不能用以施教。用以取法之意。而書中多述上帝神訓。豈神訓而有可不奉為金科玉律者乎。)

問。歷史者。據實敘事。以示後人之書也。據尊意。此歷史所敘。為實事乎。抑誕語為多也。答。就中亦多不可信者。問。何者可信。何者不可信。答。例如古代游牧遷徙之事跡。可信者也。其他神蹟。不盡可信。

問。神蹟亦有可信者乎。創世紀可信否乎。始祖犯罪說。可信否乎。答。我以為人皆有罪。罪屬肉體遺傳。似有理。問。理想歸理想。事實歸事實。今所問者。始祖犯罪。如創世紀所述者。是否為事實。而可信耳。亞當違命食辨善惡之果。上

帝為不欲人之能辨善惡乎。不能辨善惡。則何貴乎。有善惡。不有善惡。何貴乎。為人且宗教家對人詰問。上帝何以不能盡造善人。或使人皆為善之故。則必答曰。上帝賦人以志意。力使人自抉擇。以為善去惡。故善乃可貴。其言甚辯。然對於禁食善惡之果。又何說之解耶。不辨善惡。安能自抉擇。以為善去惡耶。請言其故。無答。

雲台問。肉體遺傳。則罪性隨之。今亞當經上帝萬能之神力。所造。非由肉體遺傳而來。何以始出世。即犯罪乎。無答。杰按。始祖犯罪。說為耶穌降生代人贖罪之依據。即為其立教之根本。今此說根本失據。則所以勸人非信其教。不可者在。又在。一人有罪。而罰及世。世子孫。一人流血。而世人之罪。皆賴以洗滌。理論固不可通。事實毫無可證。蓋篤信耶教之民族。罪性不少。減不信耶穌之民族。罪性不增多也。然耶教則竟以此為立教之根本矣。根本如是。枝葉亦無足深責耳。

問。基督名字之字音。及其由幼而長。而老死之神蹟。一一與印度之克里希拉神話相同。何故。答。此不敢臆斷。但當時宗教思想多少。由印度輸入。則可想見耳。

問。思想由於輸入。乃至名字事蹟。亦可輸入借用乎。既知其為輸入。而猶信當時猶太實有耶穌其人其事乎。無答。

王小徐先生撰佛法之簡短說明

(未完)

佛法深廣。淺識難窺。耳食者或疑為厭世。或謗為迷信。多數

人不肯少費光陰以從事問學。致三藏教海於彼無分。甚可憫也。故略述數語。為認佛法為厭世為迷信者告。

佛法有小乘。有大乘。但修自利行不修利他行者。謂之小乘。

謂之聲聞。修利他行者。謂之大乘。謂之菩薩。宋擇瑛法師有

十願文曰。願我永離三惡道。願我速斷貪瞋癡。願我常聞佛

法。願我勤修戒定慧。願我恆隨諸佛學。願我不退菩提心。

願我速見阿彌陀。願我決定生安養。願我分身徧塵刹。願我

廣度諸眾生。斷貪瞋癡。修戒定慧。即是自利行。身徧塵刹。廣

度眾生。即是利他行。若以新流行語言之。則居心不為貪官

污吏。土豪劣紳。即是斷貪瞋癡。自利行。一心專為民衆利益

設想。並見諸實行。即是度眾生。利他行。唐白居易問鳥窠道

林禪師。如何是佛法大意。師曰。諸惡莫作。眾善奉行。白曰。三

歲孩兒也。解恁麼道。師曰。三歲孩兒。雖道得。八十老人。行不

得。諸惡莫作。即是斷貪瞋癡。自利行。眾善奉行。即是度眾生

利他行。佛法雖深廣。二行盡之。故白問佛法大意。而師以此

對。

耕心齋雜記

糟油製法

糟油加於菜內。味甚鮮美。茲將其製法錄如下。

好紹酒一瓶。約一斤餘。入鹽一兩半。桂皮花椒大小茴研末

各約一錢。封固。百日後可用。藏久更佳。

糟油煮老豆腐法

豆腐煮老後。去水。用口蘑冬菇等湯。并糟油燴之。每豆腐一大碗。用糟油二兩半。并撒炸枯捶碎之杏仁碎一大匙於上。

熏香干

豆腐店所買香干。晒乾。用糟油泡透。再晒乾。再泡。凡三次。入鍋內。熏之。先將鍋燒略紅。放薯糠於鍋內。並加紅糖少許。即起煙。用蒸籠裝香干。罩於鍋上。熏片刻即成。

素熏魚製法

杭州豆腐皮。水泡溼。捲起約二分厚。二寸寬。長不拘。蒸熟。入油鍋煎。瀝去油。澆醬油料。撒桂皮花椒大小茴末。入籠如前法熏之。凡熏物用甘蔗渣或瓜子壳較殼糠更佳。皆須加紅糖同燒。則煙味更香。

腐衣鬆製法

杭州豆腐皮。熱水泡軟。擠去水。刀切細。油鍋炒黃。加入醬油作料。蓋好離火。悶片刻出鍋。如仍有湯水。須再炒乾。

清湯筍油

鳳尾筍乾。出紹興。價每斤約一元三四角。四兩可做一盤。用水略泡。煮一時許。即成。湯甚鮮。筍亦嫩。尋常店中所售筍乾之最高者。名曰白尖。又名扁尖。價亦一元有餘。然嫩頭太少。味亦嫌鹹。作湯稍遜。